

Script of Morning Gojri News Bulletin 14January 2025 at 1015Hrs

مارننگ گو جری نیو ز بلیٹن مو رخہ 14 جنوری 2025

یوہ آکا شوانی جموں ہے عبیدلرحمان تیں خبر سُنو۔

PM MISSION MAUSAM

بھارتیہ موسمیاتی محکمہ غا ۱ سو ۵ وائ بنیادی تہاڑہ گا موقعہ وراچ وزیر اعظم نریندر مودی نویں دہلی تیں مشن موسم غی شروعات کریں غا اس مشن غو مقصد ملک نانہہ ہر طرح غا موسم وستے پہلاں تیں تیار رکھنوں ہے اور اس مشن غے تحت جدید طرز غی ٹیکنالوجی استعمال وے غی جس نال نہ صرف ماحول غے اندر آہی تبدیلیاں ورا نظر رکھی جاسکے غی بلکہ بہترین صلاحیت آلا جدید کمپیوٹراں غی مدد تیں علاوہ رڈار تے مصنوعی سیاراں غی مدد نال وی موسم غی صورتحال ورا نظر رکھی جے غی اس تیں علاوہ وزیراعظم آئی ایم ڈی ویزن ۷۴۰۲ دستاویز غو وی اجراء کریں گا اس دستاویز مانہہ محکمہ موسمیات غی پیشین گوئی تیں علاوہ موسمیاتی انتظامات تے ماحول غی تبدیلی غا بکھ بکھ پہلو شامل کیا گیا ہیں۔

RAJOURI BADHAAL MYSTERIOUS DEATHS

ضلع راجوری غی تحصیل بڈھال غا گراں بڈھال مانہہ اچانک ہون آلی اموات غی تعداد گزشتہ روز ۲۱ ہوگئی بڈھال گراں گو ایک بچو جہیڑو جے گورنمنٹ میڈیکل کالج جموں مانہہ زیر علاج تھو گزشتہ روز وفات پاگیا اسے طرح گورنمنٹ میڈیکل کالج راجوری مانہہ زیر علاج ایک آدمی غی وی گزشتہ روز موت واقع ہوگئی بڈھال گراں مانہہ ہوررہی اچانک اموات ورا ڈی سی راجوری ابھیشیک شرما غی نیڑویں نظر ہے تے وے وقت ربتیں اس طرز غا معاملات ورا فوری اقدام کررہیا ہیں اس سلسلہ مانہہ اے ڈی سی کوثرنکا دل میر نے متاثرہ علاقہ غو دورو لایو تے زمینی سطح ورا ہر ممکن مدد غی یقین دہانی کرائی ضلع انتظامیہ غی ہدایت ورا طبعی محکمو علاقہ غے اندر موجود افراد غا نمونہ اکٹھا کرے جانچ کررہیو ہے تے اچ محکمہ نے ۲ سو ۲۷ افراد غا نمونہ جانچ وستے لیا ہیں تانجے اصل بیماری غو پتو لایو جاسکے واضع رہ کہ بڈھال علاقہ تیں خوراک تے پانی غا نمونہ پہلاں ہی اکٹھا کرلیا گیا تھا تانجے علاقہ غے اندر خوراک تے پانی غا نمونہ پہلاں اکٹھا کرلیا گیا تھا تانجے علاقہ غے اندر خوراک تے پانی غا معیار نانہہ واضع کیو جاسکے ڈائریکٹر ہیلتھ جموں ڈاکٹر راکیش منگوترہ غی سربراہی مانہہ محکمہ صحت غی ایک ٹیم سی ایم او راجوری ڈاکٹر منوہر رانا غے ہمراہ کوثرنکا غا کنڈی علاقہ مانہہ ایک کیمپ لاغے صورتحال غو جائیزو لے رہی ہے اس تیں علاوہ انتظامیہ نے ایک موبائل طبعی یونٹ وی قائم کیو ہے تے ہنگامی صورتحال خاطر ایک ایمبولینس وی دستیاب رکھی ہے۔

MAKAR SANKRANTI

فصل غی کٹائی غو تہوار مکر سکرانتی اچ ملک غا بکھ بکھ حسان مانہہ برا جوش و خروش نال منایو جارہیو ہے یوہ تہوار موسم سرما غا ختم ہون اور لمبا تہاڑاں غی شروعات غا طور ورا منایو جے ملک غا بکھ بکھ حسان مانہہ اس تہوار نانہہ الگ الگ ناں نال جانیو جے تامل ناڈو مانہہ اس تہوار نانہہ پونگل کہیو جے گجرات مانہہ اوترین آسام مانہہ بوگالی بیہو تے مغربی بنگال مانہہ پوش سکرانتی غا نام نال یوہ تہوار منایو جے۔

VASIHNO DEVI CAVE

ضلع ریاسی گا کھڑا قصبہ مانہہ ترکوٹہ پہاڑی مانہہ موجود شری ماتا ویشنو دیوی قدرتی غار نانہہ اج مکر سکرانتی غا موقع ور عقیدت منداں وستے کھول دتو جے غو اج آرتی غی رسم تیں بعد پرانا قدرتی غار نانہہ عقیدت منداں وستے کھول دتو جے غو جت وے ماتا ویشنو دیوی غی پنڈیز غا درزن کریں غا عقیدت منداں غی بھیڑ غے پیش نظر یاہ غار اگلا ۱ مہینہ تک کھلی رکھی جاسکے واضع رہ کہ ہر سال مکر سکرانتی غا موقع ور اس قدرتی غار نانہہ عقیدت منداں وستے کھولیو جے عقیدت منداں غی مانگ ور یاہ پرانی غار سال مانہہ صرف ایک بار ہی درشن وستے کھولی جے اس تیں علاوہ شرانین بورڈ نے اس طرز غا انتظام وی کیا ہیں کہ عقیدت مند اس غار غو درشن ورچل زریعاں نال وی کرسکیں۔

MAHAKUMBH

پریاگراج مانہہ چل رہیا مہاگنبھ مانہہ مکر سکرانتی امرت سنان جاری ہے اس مانہہ کل ۳۱ کاتھاڑہ تشکیل دتا گیا ہیں تے ہر اکھاڑہ غو وقت بکھ بکھ مقرر کیو گیو ہے اس ضمن مانہہ مہا نروان پنچایتی اکھاڑو تریون سنگم غا مقام ور پہلی ڈبکی لاوے گو جدکہ دوجی باری شری پنچایتی اکھاڑہ نرمل غی ہے اس سلسلہ مانہہ حفاظت غا سخت انتظامات کیا گیا ہیں۔ واضع رہ کہ گزشتہ روز ۱ کروڑ ۰۵ لکھ عقیدت منداں نے دنیا غا سب تیں برا روحانی تے ثقافتی میلہ مانہہ شامل ہو غے تروینی سنگم گا مقام ور ڈبکی لائی جس دوران عقیدت منداں ور جہاز غے ذریعے پھل سٹیا گیا۔

JKRLM

جموں کشمیر دیہی حیاتیاتی مشن نے خواتین خود مدد گروپ غی سانج نال خطہ جموں غا بکھ بکھ ضلعیاں مانہہ لوڑی غو تہوار بڑی دھوم دھام نال منایو ہے اس سلسلہ مانہہ ایک برو پروگرام ڈگرانی مانہہ منعقد ہوو جت ایم ایل اے سوچیت گڑھ پروفیسر گارورام بھگت مشن ڈائریکٹر ڈاکٹر شوبھرا شرما تے ڈپٹی کمانڈینٹ بی ایس ایف پرادیپ کماروی شامل رہیا اس دوران اوکٹرا چوکی سوچیت گڑھ گا مقام ور ہوئی پریڈ نانہہ دیکھن آیا سیاحان نانہہ خواتین خود مدد گروپاں گی طرفوں دوگری ثقافت غا نمائندہ دسیا گیا اس دوران کئی روایتی تے جدید کارکردگیاں نال وی سیاحان نانہہ محفوظ کیو گیو۔

DC SHOPIAN MUGHAL ROAD

ڈپٹی کمشنر شوپیاں محمد شاہد سلیم دار نے گزشتہ روز مغل سڑک ور پیر گلی تک غو دورو لاغے سڑک غی موجودہ صورتحال غو جائیزو لیو اس دوران ڈی سی موصوف نال کئی متعلقہ آفیسر وی موجود تھا تے اس عملہ نے دیکھیو کہ سڑک کئی جگہ تیں پسی تے پتھر آجان نال آمدرفت قابل نہیں ہے اس ضمن مانہہ سڑک غی حالت آمدرفت قبل بنان تیں بعد ہی گڈیاں غی آجائی غی اجازت دتی جے غی۔